



Broj:
Maglaj,

PRIJEDLOG

Na osnovu člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08, 6/08, 6/24 i 6/25) i člana 132. Poslovnika o radu Općinskog vijeća Maglaj („Službene novine Općine Maglaj“, br. 2/09, 1/13, 2/13-prečišćen tekst, 8/21, 7/25 i 8/25 i 12/25), a u vezi sa aktom Komunalnog javnog društva d.o.o. Maglaj broj: 01-377-13/26 od 16.04.2026. godine, Općinsko vijeće Maglaj na ___ redovnoj sjednici, održanoj _____ godine, donosi

ODLUKU

o davanju saglasnosti punomoćniku državnog kapitala za glasanje o prijedlogu Odluke o odobravanju Ugovora o angažmanu predsjednika/člana Odbora za reviziju Komunalnog javnog društva d.o.o. Maglaj

Član 1.

Daje se saglasnost punomoćniku državnog kapitala u Skupštini Komunalnog javnog društva d.o.o. Maglaj da na sjednici Skupštine Komunalnog javnog društva d.o.o. Maglaj glasa za donošenje Odluke o odobravanju Ugovora o angažmanu predsjednika/člana Odbora za reviziju Komunalnog javnog društva d.o.o. Maglaj.

Član 2.

Ova Odluka stupa na snagu danom donošenja i objavit će se u "Službenim novinama Općine Maglaj".

Obradivač

Emina Hasanić, dipl.pravnik

Stručni savjetnik za poslove Općinskog vijeća i Općinskog načelnika

DOSTAVLJENO:

1. Direktor Komunalnog javnog društva doo Maglaj
2. Služba za privredu, finansije i razvoj poduzetništva
4. Služba Općinskog načelnika i Općinskog vijeća
5. Arhiva

PREDSJEDAVAJUĆA

Aida Bašić

- PRIJEDLOG

Na osnovu člana 272. stav (2), a u vezi sa članom 303. stav (1) Zakona o privrednim društvima (Službene novine FBiH br. 81/15, 75/21) i člana 18. Statuta KJD d.o.o. Maglaj, te Odluke Skupštine KJD d.o.o. Maglaj o visini naknade za predsjednika i članova Odbora za reviziju broj _____ od dana _____, Skupština KJD d.o.o. Maglaj na svojoj _____, održanoj dana _____ godine, donosi sljedeću:

ODLUKU

o odobravanju Ugovora o angažmanu predsjednika/člana Odbora za reviziju KJD d.o.o. Maglaj

Član 1.

Odobrava se Ugovor o angažmanu predsjednika/člana Odbora za reviziju KJD d.o.o. Maglaj, čiji prijedlog čini sastavni dio ove Odluke.

Član 2.

Ovlašćuje se direktor KJD d.o.o. Maglaj da, nakon što članovi Odbora za reviziju izaberu predsjednika Odbora za reviziju većinom glasova, sa predsjednikom i članovima Odbora za reviziju zaključi ugovor o angažmanu, koji mora biti istovjetan prijedlogu ugovora iz člana 1. Ove Odluke.

Član 3.

Odluka stupa na snagu danom donošenja.

Obrazloženje:

Članom 272. stav (2) Zakona o privrednim društvima FBiH propisano je da se naknada i druga prava članova Odbora za reviziju uređuju ugovorom na osnovu odluke Skupštine.

Članom 303. stav (1) Zakona o privrednim društvima FBiH propisano je da se odredbe Zakona o dioničkom društvu primjenjuju i na društvo sa ograničenom odgovornošću, ako posebnim odredbama Zakona nije drugačije određeno.

Članom 18. Statuta KJD d.o.o. Maglaj propisano je da Skupština odlučuje o svim pitanjima u skladu sa važećim propisima.

Na osnovu navedenog, odlučeno je kao u dispozitivu.

Pravna pouka: Član Društva ima pravo pobijati odluku protiv koje je glasao, tužbom kod nadležnog Suda u roku od 30 dana od dana donošenja iste.

Broj:
Mjesto: Maglaj
Datum:

P R E D S J E D N I K
S K U P Š T I N E

"KOMUNALNO JAVNO DRUŠTVO" d.o.o. Maglaj

Žiro račun: PBS: 1011450000071212; SPARKASSI: 1990460003274429; UNICREDIT: 3385602200011396; ASA: 1340600000013966

- PRIJEDLOG

Na osnovu člana 272. stav (2), a u vezi sa članom 303. stav (1) Zakona o privrednim društvima (Službene novine FBiH, broj 81/15, 75/21), člana 18. Statuta KJD d.o.o. Maglaj, Odluke Skupštine KJD d.o.o. Maglaj o visini naknade za predsjednika i članove Odbora za reviziju KJD d.o.o. Maglaj godine broj _____ od dana _____ godine, i Odluke Skupštine o odobravanju ugovora o angažmanu predsjednika/člana Odbora za reviziju broj _____ od dana _____ godine, zaključuje se sljedeći :

U G O V O R O ANGAŽMANU PREDSEDNIKA/ČLANA ODBORA ZA REVIZIJU KJD D.O.O. MAGLAJ

Zaključen između:

Komunalnog javnog društva d.o.o. Maglaj, sa sjedištem na adresi Ulica Mladih broj 4 Maglaj, upisanog u Registar društava u Općinskom sudu u Zenici pod matičnim registarskim brojem subjekta upisa 43-05-0010-09 (stari broj 1-6851), ID broj: 4218166390001, a u čije ime postupa osoba ovlaštena za zastupanje subjekta upisa, Hasanić Šefka, direktor bez ograničenja (u daljem tekstu Društvo)

i
_____, kao predsjednika/ člana Odbora za reviziju, imenovanog Rješenjem Skupštine KJD d.o.o. Maglaj broj _____ od dana _____ godine (u daljem tekstu: Član Odbora za reviziju).

I - OPŠTE ODREDBE

Član 1.

Ugovor o angažmanu predsjednika/člana Odbora za reviziju KJD d.o.o. Maglaj sačinjava se na osnovu člana 272. stav (2), a u vezi sa članom 303. stav (1) Zakona o privrednim društvima (Službene novine FBiH broj 81/15, 75/21), te na osnovu člana 18. Statuta KJD d.o.o. Maglaj.

Ugovor o angažmanu predsjednika/člana Odbora za reviziju sadrži istovjetne odredbe kao i prijedlog ugovora koji je razmatran na _____ sjednici Skupštine KJD d.o.o. Maglaj održanoj dana _____ godine i usvojen Odlukom Skupštine o odobravanju Ugovora o angažmanu predsjednika/člana Odbora za reviziju broj _____ od dana _____ godine.

II - PREDMET UGOVORA

Član 2.

Predmet Ugovora je uređivanje prava i obaveza Člana Odbora za reviziju KJD d.o.o. Maglaj u obavljanju poslova iz djelokruga Odbora za reviziju.

III- NADLEŽNOSTI ČLANOVA ODBORA ZA REVIZIJU KJD D.O.O. MAGLJAJ

Član 3.

Član Odbora za reviziju KJD d.o.o. Maglaj se obavezuje da, zajedno sa ostalim članovima, osigura da Odbor za reviziju KJD d.o.o. Maglaj u toku trajanja mandata poduzima radnje iz nadležnosti Odbora za reviziju propisane Zakonom o javnim preduzećima FBiH, Zakonom o privrednim društvima FBiH, Zakonom o računovodstvu i reviziji u FBiH, Statutom KJD d.o.o. Maglaj i drugim relevantnim propisima.

Pod poduzimanjem radnji iz nadležnosti Odbora za reviziju, između ostalog, podrazumijevaju se: imenovanje vanjskog revizora, interne kontrole u preduzeću, razmatranje godišnje strategije rizika i plana revizije, podnošenje sažetih mjesečnih izvještaja o svojim sastancima Nadzornom odboru, davanje preporuka Upravi preduzeća u vezi sa uočenim nepravilnostima, praćenje postupaka finansijskog izvještavanja, praćenje učinkovitosti sistema interne kontrole, te sistema upravljanja rizicima, raspravljanje o značajnim pitanjima koja se odnose na ovo područje, nadgledanje provođenja revizije finansijskih izvještaja i konsolidovanih finansijskih izvještaja, praćenje nezavisnosti revizorskog društva koje obavlja reviziju, a posebno ugovore o dodatnim uslugama, te vršenje drugih poslova utvrđenih relevantnim zakonskim propisima i Statutom preduzeća

Odbor za reviziju odgovoran je osigurati nezavisnost i kvalitet obavljanja revizije finansijskih izvještaja i konsolidovanih finansijskih izvještaja.

IV – OPĆE DUŽNOSTI ČLANOVA ODBORA ZA REVIZIJU

Član 4.

Član Odbora za reviziju KJD d.o.o. Maglaj ima opću dužnost izbjegavanja sukoba interesa sa Društvom u ličnim ili profesionalnim odnosima.

Član Odbora za reviziju dužan je omogućiti uvid nadležnom organu u sve transakcije ili odnose za koje se opravdano očekuje da bi mogle dovesti do stvarnog ili očiglednog sukoba interesa sa Društvom.

Član 5.

Član Odbora za reviziju, u ispunjavanju svojih obaveza i odgovornosti, dužan podsticati na odgovorno korištenje i kontrolu imovine i resursa Društva.

Član 6.

Član Odbora za reviziju tokom svog mandata ni u privatnom životu neće svojim ponašanjem ni na koji način ugroziti dignitet Društva i funkciju koju obavlja.

Član 7.

Član Odbora za reviziju KJD d.o.o. Maglaj će na prvoj sjednici na kojoj bude prisustvovao potpisati Izjavu iz člana 48. Etičkog kodeksa KJD d.o.o. Maglaj broj SD – 09 – 1 /19.

V - PRAVA ČLANOVA ODBORA ZA REVIZIJU

Član 8.

"KOMUNALNO JAVNO DRUŠTVO" d.o.o. Maglaj

Žiro račun: PBS: 1011450000071212; SPARKASSE: 1990460003274429; UNICREDIT: 3385602200011396; ASA: 1340600000013966

Odbor za reviziju ima pravo u bilo koje vrijeme tražiti od direktora Društva ili drugih radnika da ga se obavijesti o poslovima iz njihovog djelokruga koji su mogli biti od većeg učicaja na poslovanje Društva i na poslovne odnose sa drugim društvima, kao i o bilo kojem drugom pitanju u skladu sa zakonom.

Uprava je dužna podnositi izvještaje o nabavci odboru za reviziju u roku od 15 dana od dana zaključenja ugovora o nabavci.

Član 9.

U toku trajanja mandata, Članu Odbora za reviziju pripada mjesečna naknada za rad i to u iznosu od: 180,00 KM predsjedniku Odbora za reviziju KJD d.o.o. Maglaj / 150,00 KM članu Odbora za reviziju KJD d.o.o. Maglaj (neto za isplatu).

Član 10.

Isplatu iz člana 9. ovoga Ugovora Društvo će vršiti prenosom sredstava na tekući račun Člana Odbora za reviziju KJD d.o.o. Maglaj.

VI – TRAJANJE UGOVORA

Član 11.

Ovaj Ugovor stupa na snagu danom obostranog potpisivanja, a traje do isteka perioda na koji je član Odbora za reviziju KJD d.o.o. Maglaj imenovan Rješenjem Skupštine o imenovanju članova Odbora za reviziju KJD d.o.o. Maglaj broj _____ od dana _____, ili izuzetno prestaje sa važenjem prije utvrđenog perioda, u slučaju razrješenja od strane nadležnog organa.

VII – ZAVRŠNE ODREDBE

Član 12.

Izmjene i dopune ovog Ugovora biće valjane ako su zaključene u pismenoj formi, potpisane od ugovornih strana i ako je sadržaj istih odobrila Skupština KJD d.o.o. Maglaj.

Član 13.

Na prava, obaveze i odgovornosti Člana Odbora za reviziju, koje nisu uređene ovim Ugovorom, primjenjuju se odredbe Zakona o javnim preduzećima FBiH, Zakona o privrednim društvima FBiH, Zakona o računovodstvu i reviziji u FBiH, Statuta KJD d.o.o. Maglaj, Etičkog kodeksa KJD d.o.o. Maglaj i drugih zakonskih i podzankonskih propisa i internih akata Društva kojim se regulišu pitanja iz djelokruga rada Odbora za reviziju.

Član 14.

U slučaju pojave spornih pitanja između Člana Odbora za reviziju i Društva, a koja su vezana za primjenu ovog Ugovora, ista će se pokušati riješiti sporazumno, u protivnom, za takve sporove je nadležan Općinski sud u Zavidovićima.

Član 15.

“KOMUNALNO JAVNO DRUŠTVO” d.o.o. Maglaj

Žiro račun: PBS: 101145000071212; SPARKASSE: 1990460003274429; UNICREDIT: 338560220001396; ASA: 134060000013966

Ovaj Ugovor se zaključuje u četiri primjerka, od kojih svaka ugovorna strana zadržava po jedan primjerak, jedan primjerak se ostavlja u arhivu Skupštine KJD d.o.o. Maglaj, a jedan u arhivu Odbora za reviziju KJD d.o.o. Maglaj.

Broj:

Datum:

DIREKTOR KJD. D.O.O. MAGLAJ
KJD D.O.O. MAGLAJ

PREDSJEDNIK/ČLAN ODBORA ZA REVIZIJU

M.P.

"KOMUNALNO JAVNO DRUŠTVO" d.o.o. Maglaj

Žiro računi: PBS: 101450000071212; SPARKASSE: 1990460003274429; UNICREDIT: 3385602200011396; ASA: 1340600000013966.